



Broj: 02-05-23446-1.2/13  
Sarajevo, 18.09.2013. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst), Vlada Kantona Sarajevo, na **35.** sjednici održanoj **18.09.2013.** godine, donijela je sljedeći

## **ZAKLJUČAK**

1. Utvrđuje se Prijedlog odluke o davanju saglasnosti na Odluku o zaduženju Kantona Sarajevo za kredite u iznosu od 8.800.000,00 KM.
2. Predlaže se Skupštini Kantona Sarajevo da, u skladu sa Poslovníkom Skupštine Kantona Sarajevo, donese odluku iz tačke 1. ovog Zaključka.

**P R E M I J E R**

**Suad Zeljković**

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo finansija
5. Evidencija
6. A r h i v a





## VII

Za implementaciju projekata i praćenje realizacije ove Odluke zadužuju se resorna ministarstva i Ministarstvo finansija, svako u okviru svoje nadležnosti, sa obavezom polugodišnjeg izvještavanja Vlade i Skupštine Kantona o realizaciji kredita.

## VIII

Ova Odluka stupa na snagu nakon davanja saglasnosti od strane Skupštine Kantona Sarajevo, a objavit će se u „Službenim novinama Kantona Sarajevo“.

**P R E M I J E R**

**Suad Zeljković**

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvu finansija
5. Ministarstvu za boračka pitanja
6. Ministarstvo privrede
7. Ministarstvo zdravstva
8. Ministarstvu za obrazovanje, nauku i mlade
9. Ministarstvu kulture i sporta
10. Ministarstvu za rad, socijalnu politiku, raseljena lica i izbjeglice
11. Za objavu u „Službenim novinama Kantona Sarajevo“
12. Evidenciji
13. A r h i v a



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387 (0) 33 562-068, 562-070  
Fax: + 387 (0) 33 562-211  
Sarajevo, Reisa Džemaludina Čauševića 1



Na osnovu čl. 18. tačka b) i čl. 38 stav (1) Ustava Kantona Sarajevo („Službene novine Kantona Sarajevo“, br. 1/96, 2/96, 3/96, 16/97, 14/00, 04/01, 28/04, i 31/04), čl. 46. Zakona o budžetima u FBiH („Službene novine FBiH“, br. 19/06, 76/08, 5/09, 32/09, 9/10, 36/10 i 45/10), čl. 21. st. (3) Zakona o dugu, zaduživanju i garancijama u Federaciji Bosne i Hercegovine („Službene novine FBiH“, br. 8/07, 24/09 i 44/10) i Poglavlja II Procedura zaduživanja Kantona Sarajevo na osnovu vanjskog i unutrašnjeg duga i izdavanja garancija („Službene novine Kantona Sarajevo“, broj 10/11) Skupština Kantona Sarajevo, na \_\_\_sjednici održanoj \_\_\_\_\_ 2013. godine, donijela je

## O D L U K U

o davanju saglasnosti na Odluku o zaduženju Kantona Sarajevo za kredite u iznosu od 8.800.000,00 KM

### I

Daje se saglasnost na Odluku o zaduženju Kantona Sarajevo za kredite u iznosu od 8.800.000,00 (LOT I-900.000,00 KM i LOT III-7.900.000,00 KM), broj: 02-05- /13, od \_\_\_\_\_ 2013. godine, koju je donijela Vlada Kantona Sarajevo.

### II

**Ova odluka stupa na snagu danom donošenja, a objavit će se u „Službenim novinama Kantona Sarajevo“.**

**Broj: 01-05- /13,  
Sarajevo, 2013. godine**

Predsjedavajuća  
Skupštine Kantona Sarajevo  
Prof. dr. Mirjana Malić

## Obrazloženje

### Pravni osnov

Pravni osnov za donošenje ove odluke sadržan je u članu 18. tačka b) Ustava Kantona Sarajevo kojim je utvrđeno da Skupština Kantona donosi zakone i druge propise u okviru izvršavanja nadležnosti Kantona i čl. 38. stav (1) Ustava Kantona Sarajevo kojim je Skupštini Kantona dato u nadležnost da se finansiranje funkcija Kantona, između ostalog, može vršiti na osnovu zaduživanja kod banaka i drugih finansijskih organizacija, kao i članu 46. Zakona o budžetima u Federaciji BiH kojim je utvrđeno da se kanton može zaduživati ukoliko Skupština Kantona odobri zaduženje, odnosno izda garanciju. Članom 21. stav (3) Zakona o dugu, zaduživanju i garancijama u FBiH utvrđeno je da Skupština Kantona odobrava unutrašnje zaduženje za kapitalnu investiciju. Poglavljem II Procedura zaduživanja Kantona Sarajevo na osnovu unutrašnjeg i vanjskog duga i izdavanja garancija, kojim je utvrđeno da Vlada donosi odluku o unutrašnjem zaduživanju i dostavlja je Skupštini Kantona na davanje saglasnosti.

### Razlozi za donošenje

Prijedlog odluke o unutrašnjem zaduženju zasniva se na članu 1. Budžeta Kantona Sarajevo za 2013. godinu, kojim je utvrđeno da se dugoročnim kreditima kod domaćih banaka u iznosu do 10.000.000,00 KM obezbijedi finansiranje kapitalnih projekata od značaja za Kanton i članu 5. Budžeta, kojim su raspoređena kreditna sredstva na kapitalne projekte koji će se tim sredstvima finansirati.

Vlada Kantona Sarajevo donijela je 16.04.2013. godine Odluku (broj: 02-05-8721-46/13), kojom je Ministarstvu finansija dato ovlaštenje da provede postupak javne nabavke usluga dugoročnog kreditnog zaduženja do 10.000.000,00 KM. Nakon provedenog postupka javne nabavke otvorenog za međunarodnu konkurenciju (objavljen u „Službenom glasniku BiH“ broj 30/2013), 04.06.2013. godine Ministar finansija je donio Odluku o poništenju postupka, obzirom da nije dostavljena niti jedna ponuda. Odlukom Ministra finansija od 06.06.2013. godine otvoren je ubrzani ograničeni postupak nabavke usluga dugoročnog kreditnog zaduženja Kantona Sarajevo u 2013. godini, do iznosa od 10.000.000,00 KM podijeljen na lotove (javni poziv objavljen u „Službenom glasniku BiH“ broj 44/2013). U postupku predkvalifikacije utvrđeni su rezultati, gdje su sljedeći kandidati ispunili tražene uslove: Union Banka d.d. Sarajevo (za LOT I i LOT II), Sparkasse Bank d.d. Sarajevo (za LOT I i LOT II) i UniCredit Bank d.d. Mostar (za LOT I, LOT II i LOT III). Na osnovu Odluke Ministra finansija o rezultatu postupka predkvalifikacije od 21.06.2013. godine, kao kvalifikovani, navedeni kandidati su pozvani da podnesu ponude.

Dana 05.07.2013. godine izvršen je odabir najpovoljnijeg ponuđača, te Odlukom Ministra finansija broj: 08-01-14-17029-6/13 od 05.07.2013. godine, za LOT I dodijeljen ugovor za kredit u iznosu od 900.000,00 KM (devetstotinhiljadakonvertibilnihmaraka), kao najuspješnijem ponuđaču, Union Banka d.d. Sarajevo, a za LOT III dodijeljen je ugovor za kredit u iznosu od 7.900.000,00 KM (sedammilionaidevetstotinhiljadakonvertibilnihmaraka), kao najuspješnijem ponuđaču UniCredit Bank d.d. Mostar. Za LOT II (1.200.000,00 KM) niti jedan od kvalifikovanih kandidata nije dostavio ponudu. U skladu sa odredbama Zakona o javnim nabavkama BiH za LOT II bit će sproveden pregovarački postupak.

**Kreditna sredstva Banke odobravaju pod sljedećim uslovima:**

- ukupan iznos kredita.....8.800.000,00 KM (900.000,00 + 7.900.000,00)
- rok otplate..... 7 godina
- grace period..... 1 godina (uključen u rok otplate)
- kamatna stopa..... za LOT I 6,20 % na godišnjem nivou  
za LOT III 6,19 % na godišnjem nivou
- provizija Banke: za LOT I..... 1.710,00 KM jednokratno, unaprijed  
za LOT III..... 7.900,00 KM jednokratno, unaprijed

**Ukupna cijena usluge kredita se sastoji od:**

**1. LOT I**

- kamata u grace periodu 54.397,11 KM
- kamata u periodu otplate 169.718,21 KM
- provizija banke 1.710,00 KM

**Ukupno: 225.825,32 KM**

**2. LOT III**

- kamata u grace periodu 478.052,35 KM
- kamata u periodu otplate 1.496.058,21 KM
- provizija banke 7.900,00 KM

**1.982.010,56 KM**

**Kreditnim sredstvima LOT-a I finansirat će se sljedeći projekti iz člana 5. Budžeta 2013. godine:**

| Sub-analitika | OPIS   | Raspored kreditnog zaduženja |
|---------------|--|------------------------------|
|               | MINISTARSTVO ZA BORAČKA PITANJA                            |                              |
| DAU012        | Sredstva za pomoć u rješavanju stambenih potreba           | 300.000                      |
|               | UKUPNO   | 300.000                      |
|               | MINISTARSTVO KULTURE I SPORTA                              |                              |
| MAU004        | Narodno pozorište Sarajevo - interijer zgrade, sjedišta    | 40.000                       |
| MAU003        | Biblioteka Sarajeva- opremanje punktova - Biblioteka Otoka | 20.000                       |
| MAU063        | Sanacija i rekonstrukcija sportskih ploha                  | 40.000                       |
| MAU040        | Sportska dvorana Novo Sarajevo                             | 100.000                      |
| MAU065        | Izgradnja nove dvorane Srce                                | 100.000                      |
|               | UKUPNO   | 300.000                      |
|               | MINISTARSTVO ZA RAD, SOC.POL                               |                              |
| NAX003        | Izgradnja I faze Porodično savjetovalište                  | 300.000                      |
|               | UKUPNO   | 300.000                      |
|               | SVEUKUPNO:   | 900.000                      |

Kreditnim sredstvima LOT-a III finansirat će se sljedeći projekti iz člana 5. Budžeta 2013. godine:

|        |  |           |
|--------|--|-----------|
|        | MINISTARSTVO ZDRAVSTVA   |           |
| KAU097 | Suf. rekonstrukcije objekta DZ Novi Grad "Kumrovec"                          | 400.000   |
| KAU038 | Nabavka opreme za Zavod za zdravstvenu zaštitu žena i materinstva            | 40.000    |
| KAU070 | Uvođenje informaciono-komunikacione tehnologije u zdravstvu Kantona Sarajevo | 60.000    |
|        | UKUPNO   | 500.000   |
|        | MINISTARSTVO PRIVREDE  |           |
| IAU011 | Podrška projektima ZOI 84  | 1.900.000 |
| IAU020 | Podrška projektima KC Skenderija   | 1.000.000 |
|        | UKUPNO   | 2.900.000 |
|        | MINISTARSTVO ZA OBRAZOVANJE, NAUKU I MLADE                                   |           |
| LAX024 | Sufinansiranje izgradnje osnovne škole u Hadžićima                           | 500.000   |
| LAX029 | Dogradnja Sedme osnovne škole u Blažuju                                      | 500.000   |
| LAU017 | Rekonstrukcija studentskog centra  | 1.000.000 |
| LAU014 | Izgradnja Akademije scenskih umjetnosti                                      | 1.500.000 |
| LAX022 | Sufinansiranje izgradnje osnovne škole na Aneksu                             | 500.000   |
| LAX027 | Dogradnja osnovne škole Dobrosevici  | 500.000   |
|        | UKUPNO   | 4.500.000 |
|        | SVEUKUPNO:   | 7.900.000 |

Prema Prijedlogu ugovora u toku korištenja kredita moguće je izvršiti promjenu kapitalnog projekta za koji će Kredit biti korišten, pod uslovom da je projekat planiran u Budžetu Kantona Sarajevo za 2013. godinu.

Za plaćanje glavnice, kamate i drugih troškova planirana su sredstva u Budžetu Kantona Sarajevo za 2013. godinu, kao i svaku odgovarajuću godinu tokom otplate kredita.

Za tehničku realizaciju projekata iz ovog kredita zadužuju se resorna ministarstva čiji će se projekti finansirati, a za implementaciju i realizaciju ove odluke zadužuju se resorna ministarstva i Ministarstvo finansija, svako u okviru svoje nadležnosti.

U vrijeme otplate ovih kredita, iznos za servisiranje duga za ukupan unutrašnji i vanjski dug Kantona Sarajevo, neće preći limit određen članom 7. Zakona o dugu, zaduživanju i davanju garancija u FBiH (u 2013. 3,37%, u 2014. 3,46%, u 2015. 7,40%, u 2016. 9,82%, u 2017. 9,11%, u 2018. 5,04%, u 2019. 4,41% i 2020. 3,65%).

Skupština Kantona Sarajevo donosi odluku o davanju saglasnosti na Odluku Vlade Kantona o zaduženju, što je uslov za potpisivanje ugovora o kreditu između Kantona Sarajevo i Banaka. Ispred Kantona Sarajevo ugovore i mjenice (kao instrument obezbjeđenja redovne otplate kredita), potpisati će Ministar finansija

*IZVOD IZ ZAKONA O DUGU, ZADUŽIVANJU I GARANCIJAMA U FBiH („Službene novine FBiH“ br. 86/07, 24/09 i 44/10)*

3) za finansiranje kapitalnih investicija,

- 4) za refinansiranje ukupnog ili dijela neizmirenog duga Federacije,
- 5) za plaćanje garancija Federacije u potpunosti ili djelimično, u slučaju da zajmoprimac ne ispuni svoje finansijske obaveze i
- 6) plaćanje obaveza na osnovu unutrašnjeg duga u skladu sa zakonom.

Zaduživanje u svrhe iz stava 1. tačka 1) ovog člana moguće je samo u okviru kratkoročnog pozajmljivanja iz člana 9. ovog Zakona.

## **2. Određivanje ograničenja iznosa unutrašnjeg duga u Federaciji**

### član 20.

Ograničenje na iznos unutrašnjeg duga Federacije određuje se Zakonom o izvršenju budžeta Federacije. Ograničenje duga u Zakonu o izvršenju budžeta određuje iznos novog zaduživanja na osnovu unutrašnjeg duga unutar budžetske godine i ukupan iznos unutrašnjeg duga koji u toj godini može biti neizmiren, a u skladu sa ograničenjima iz člana 7. ovog Zakona.

Ukoliko je garancija izdata u skladu sa ovim Zakonom, zaduženje nastalo zbog otplate takve garancije nije predmet ograničenja zaduženja iz stava 1. ovog člana.

U slučaju da se vrijednosni papiri Federacije emitiraju sa popustom, ograničenje se obračunava po cijeni popusta u vrijeme početnog izdavanja vrijednosnih papira Federacije.

## **3. Procedura za stvaranje obaveza na osnovu unutrašnjeg duga**

### član 21.

O visini i svrhi zaduženja Federacije i vanbudžetskih fondova koje može nastati svake godine odlučuje Parlament Federacije donošenjem budžeta, Zakona o izvršenju budžeta i finansijskih planova vanbudžetskih fondova koji sadrže odredbe o iznosu i svrhi novog zaduživanja.

Odredbe iz stava 1. ovog člana su ovlaštenja za zaduživanje na osnovu unutrašnjeg duga do propisanog iznosa.

Parlament Federacije odobrava kapitalnu investiciju uključujući maksimalan iznos zaduženja za finansiranje takve kapitalne investicije.

U skladu sa odredbama propisa iz stava 1. ovog člana do propisanog iznosa Vlada Federacije donosi odluku o svakom zaduženju posebno.

Odlukom se utvrđuje:

1. maksimalan iznos glavnice duga;
2. forma duga;
3. dospijeće i uvjeti otplate;
4. svrha zaduženja;



5. poštivanje odredbi iz čl. 7. i 9. ovog Zakona i u okviru ograničenja duga koji je uspostavio Parlament iz stava 1. ovog člana;

6. period amortizacije kapitalne investicije koja se finansira iz kreditnih sredstava;

7. preuzimanje obaveze osiguranja sredstava za otplatu direktnog unutrašnjeg duga po prispijeću (namjensko izdvajanje sredstava za servisiranje duga iz budžeta u narednim godinama).

#### član 22.

Federalni ministar finansija je ovlašten da provede odluku Vlade Federacije iz stava 4. člana 21. ovog Zakona.

#### član 23.

Odredbe čl. 19., 20., 21. i 22. ovog Zakona shodno primjenjuju kantoni, gradovi i općine.

#### član 24.

Kada unutrašnje zaduženje Federacije nastane u vidu vrijednosnih papira Bosne i Hercegovine, odlukom Vlade Federacije određuje se ovlašten predstavnik koji će se konsultovati sa Ministarstvom finansija i trezora u vezi sa emisijom vrijednosnih papira Bosne i Hercegovine.

U slučaju da unutrašnje zaduženje Federacije nastaje u vidu vrijednosnih papira Federacije, Vlada Federacije će propisati uvjete i procedure emisije vrijednosnih papira Federacije.

#### član 25.

U slučaju relevantnog unutrašnjeg zaduženja Federacije iz stava 1. član 24. a u vezi sa stavom 1. tačka 6) član 19. ovog Zakona Vlada Federacije donosi odluku iz stava 4. člana 21. ovog Zakona, uz zahtjev Ministarstvu finansija i trezora za stvaranje obaveza na osnovu indirektnog duga Bosne i Hercegovine u korist Federacije.

Zahtjev iz stava 1. ovog člana sadrži neopozivo uputstvo Ministarstvu finansija i trezora da emitira vrijednosne papire Bosne i Hercegovine u skladu sa uvjetima definiranim odlukom Vlade Federacije. Nakon odobrenja relevantnog unutrašnjeg duga Federacije u skladu sa članom 21., federalni ministar finansija je ovlašten da potpiše dokumentaciju u skladu sa uvjetima definiranim u odluci. Odlukom Vlade Federacije određuje se ovlašten predstavnik Federacije koji će sa Ministarstvom finansija i trezora usaglasiti pitanja emisije vrijednosnih papira Bosne i Hercegovine.

**Nakon odobrenja relevantnog zaduženja Federacije federalni ministar finansija će odluku Vlade Federacije dostaviti ministru finansija i trezora Bosne i Hercegovine. Uz odluku Vlade Federacije Ministarstvu finansija i trezora se dostavljaju dokazi o namjenski izdvojenim sredstvima za osiguranje otplate uključivanjem u budžet za tekuću godinu, dokaz da je Parlament**

***IZVOD IZ ZAKONA O BUDŽETIMA U FBiH („Službene novine FBiH“ br. 19/06, 76/08, 5/09, 32/09, 9/10, 36/10 i 45/10)***

Federacija se može kratkoročno zadužiti unutar države za privremeno finasiranje deficita nastalog iz gotovinskog toka.

Kratkoročni dug iz stava 1. ovog člana otplatiti će se u tekućoj fiskalnoj godini i ni u kom vremenskom periodu u toku tekuće fiskalne godine neće preći 5% ostvarenih prihoda bez primitaka, u prethodnoj fiskalnoj godini.

**Član 43.**

Odredbe člana 42. primjenjuju se i na kantone, gradove i opštine.

**Član 44.**

Federalnim izvanbudžetskim fondovima dozvoljeno je da se zadužuju jedino unutar države i u domaćoj valuti, u skladu sa zakonom, uz prethodno pisano odobrenje ministra finansija.

Saglasnost na gornji iznos zaduživanja iz stava 1. ovog člana daje Parlament u okviru donoćenja godišnjeg finansijskog plana izvanbudžetskih fondova u kojem mora biti naznačen gornji iznos novog zaduživanja kao i obaveza iz osnova tekućih otplata duga izvanoračunskog fonda, te druga kratkoročna zaduživanja.

#### Član 45.

Garancije Federacije u skladu sa zakonom, mogu se izdati samo u vezi sa finansiranjem kapitalnih investicija.

#### Član 46.

Kanton, grad i opština mogu stvoriti obaveze po osnovu zaduživanja u skladu sa zakonom, jedino ukoliko je kantonalna skupština, gradsko, odnosno opštinsko vijeće odobrilo zaduženje ili izdavanje garancije.

Otplata duga kantona, grada ili opštine predstavlja izričitu obavezu kantona, grada, odnosno opštine.

Dug kantona, grada ili opštine ne predstavlja direktnu niti indirektnu obavezu Federacije, osim ukoliko ministarstvo finansija nije izdalo jemstvo u vezi sa kreditom kantona, grada ili opštine.

#### Član 47.

Dug kantona, grada i opštine, u skladu sa zakonom, može nastati u svrhe:

1. za finansiranje budžetskog deficita,

*IZVOD IZ PROCEDURA ZADUŽIVANJA KANTONA SARAJEVO NA OSNOVU VANJSKOG I UNUTRAŠNJEG DUGA I IZDAVANJA GARANCIJA („SLUŽBENE NOVINE KS“, broj 10/11 od 21.04.2011.)*

**8. Zakonom o izvršenju Budžeta Kantona određuje se iznos novih zaduživanja i garancija za narednu fiskalnu godinu.**

**9. U upravljanju dugovima u Federaciji, Federacija i Kanton zajedno dogovaraju i određuju gornji nivo konsolidovanog duga Federacije, kao i gornji nivo novih zajmova u okviru pripreme budžeta za slijedeću fiskalnu godinu.**

## II UNUTRAŠNJE I VANJSKO ZADUŽIVANJE

**1. Na prijedlog resornog ministarstva, Vlada Kantona (u daljem tekstu: Vlada) usvaja Projekat kapitalne investicije u okviru utvrđenog Programa rada i Strategije razvoja za narednu budžetsku godinu, (u daljem tekstu: Projekat) najkasnije do 01. jula tekuće godine. Projekat mora biti usklađen sa srednjoročnim planom razvoja Kantona i Dokumentom Okvirnog Budžeta. Donošenjem budžeta za odgovarajuću fiskalnu godinu, Skupština Kantona odobrava kapitalnu investiciju i maksimalni iznos zaduženja za njeno finansiranje.**

**2. Sastavni dio Projekta je struktura izvora finansiranja Projekta.**

**Ako su u strukturi finansiranja predviđena kreditna sredstva, Kanton pristupa proceduri zaduživanja.**

**- UNUTRAŠNJI DUG**

**3. Kanton može stvoriti obaveze na osnovu unutrašnjeg duga u slijedeće svrhe:**

- 3.1. za finansiranje budžetskog deficita proizašlog iz gotovinskog toka (samo kratkoročno pozajmljivanje);**
- 3.2. za finansiranje budžetskog deficita Kantona;**
- 3.3. za finansiranje kapitalnih investicija;**
- 3.4. za refinansiranje ukupnog ili dijela neizmirenog duga Kantona;**
- 3.5. za plaćanje garancija Kantona u potpunosti ili djelimično, u slučaju da zajmoprimac ne ispuni svoje finansijske obaveze;**
- 3.6. plaćanje obaveza na osnovu unutrašnjeg duga u skladu sa zakonom.**

**4. U skladu sa odredbama budžeta, Zakona o izvršenju budžeta i finansijskih planova vanbudžetskih fondova do propisanog iznosa Vlada Kantona donosi odluku o svakom zaduženju posebno. Odlukom se utvrđuje:**

- 4.1. maksimalan iznos glavnice duga;**
- 4.2. forma duga;**
- 4.3. dospijeće i uvjeti otplate;**
- 4.4. svrha zaduženja;**
- 4.5. poštivanje odredbi iz čl. 7. i 9. Zakona o dugu, zaduživanju i garancijama u FBiH i u okviru ograničenja duga koji je uspostavila Skupština Kantona Sarajevo;**
- 4.6. period amortizacije kapitalne investicije koja se finansira iz kreditnih sredstava;**
- 4.7. preuzimanje obaveze osiguranja sredstava za otplatu unutrašnjeg duga po prispjeću;**

**5. Vlada Kantona će u roku od 10 dana od dana donošenja odluke o zaduženju obavijestiti Federalno ministarstvo finansija/financija o zaduženju uključujući informacije o poštovanju stepena ograničenja iznosa duga.**

**- VANJSKI DUG**

**6. Kanton može stvoriti obaveze na osnovu vanjskog duga u slijedeće svrhe:**

- 6.1. finansiranje budžetskog deficita;**
- 6.2. refinansiranje i restrukturiranje neizmirenog unutrašnjeg i vanjskog duga Kantona;**
- 6.3. plaćanje garancija Kantona u potpunosti ili djelimično u slučaju da zajmoprimac ne ispuni svoje finansijske obaveze;**
- 6.4. plaćanje troškova servisiranja duga Kantona uključujući i povezane troškove kao što su: emisija vrijednosnih papira, održavanje računa, amortizacija, fiskalni agencijski troškovi;**
- 6.5. finansiranje kapitalnih investicija.**
- 6.6. izuzetno, Kanton može stvoriti obaveze po osnovu vanjskog duga radi restrukturiranja i konsolidovanja javnih preduzeća u većinskom vlasništvu Kantona Sarajevo.**

**7. Resorno ministarstvo, čiji projekat treba da se finansira iz kredita, treba da pribavi mišljenje Ministarstva finansija o mogućnosti zaduživanja.**

**8. Ministarstvo finansija i resorno ministarstvo čiji Projekat se finansira iz kredita zajednički dostavljaju Vladi inicijativu za vođenje pregovora u vezi sa zaključivanjem**

novog kreditnog sporazuma, a Ministar finansija odgovoran je za potpisivanje kreditnog sporazuma i drugih dokumenata koji iz njega proizilaze. Inicijativa sadrži:

- 8.1. kratak opis projekta;
- 8.2. razlog za zaduživanje na osnovu vanjskog duga;
- 8.3. iznos predloženog vanjskog zaduženja;
- 8.4. uvjete zaduženja;
- 8.5. mišljenje Ministarstva finansija.

9. Vlada razmatra inicijativu iz tačke 8.ovih procedura i ako prihvati inicijativu, određuje delegaciju za vođenje pregovora sa kreditorima.

10. Ministarstvo finansija i resorno ministarstvo odgovorni su za vođenje pregovora u vezi sa novim zaduživanjem.

11. Nakon završenih pregovora sa kreditorom, Ministarstvo finansija dostavlja Vladi nacrt kreditnog sporazuma ili zapisnik sa pregovora i nacrt odluke o zaduživanju koja sadrži:

- 11.1. svrhu za koju se predlaže zaključivanje kreditnog sporazuma;
- 11.2. elemente o iznosu i uvjetima zaduživanja Kantona ;
- 11.3. okvirni iznos sredstava za realizaciju Projekta i način njihovog osiguranja u slučaju da se radi o sufinansiranju Projekta;
- 11.4. iznos glavnice duga, kamatnu stopu, troškove zaduživanja, formu duga, dospelje i rok otplate;
- 11.5. procjenu da li priprema i implementacija kreditnog sporazuma zahtijeva donošenje novih zakona ili izmjenu postojećih.

12. Nakon što Vlada prihvati nacrt kreditnog sporazuma i prijedlog odluke o zaduživanju, dostavlja ih Skupštini Kantona Sarajevo koja donosi odluku o vanjskom zaduživanju.

13. U slučaju direktnog zaduživanja Kantona, nakon što Vlada prihvati nacrt kreditnog sporazuma i prijedlog odluke o zaduživanju, dostavlja ih resornom federalnom ministarstvu za dobijanje predhodne saglasnosti Parlamenta FBiH i Parlamentarne Skupštine BiH u skladu sa Pravilnikom o potrebnoj dokumentaciji za izdavanje prethodnog odobrenja kantonu, opštini ili gradu za zaduženje i izdavanje garancije po osnovu vanjskog duga („Službene novine FBiH“, broj 14/08).

13.1. Nakon dobijanja predhodne saglasnosti Parlamenta FBiH i Parlamentarne Skupštine BiH, nacrt kreditnog sporazuma i prijedlog odluke o prihvatanju kredita Vlada dostavlja Skupštini Kantona Sarajevo koja donosi odluku o vanjskom zaduživanju.

14. Nakon potpisivanja ugovora o kreditu ili supsidijarnog sporazuma o zaduživanju, Ministarstvo finansija - Sektoru za budžet i fiskalnu politiku izvršit će unos iznosa zaduženja i obaveze za servisiranje kredita, radi unošenja podataka u Budžet Kantona za narednu godinu.